

奢摩他室曲丛

奢摩他室曲丛

奢摩他室曲叢第二集目錄

誠齋樂府二十四種

牡丹品 據宣德憲藩本校印

牡丹園 據宣德憲藩本校印

烟花夢 據宣德憲藩本校印

八仙慶壽 據宣德憲藩本校印

小桃紅 據宣德憲藩本校印

喬斷鬼 據宣德憲藩本校印

豹子和尙 據宣德憲藩本校印

慶朔堂 據宣德憲藩本校印

桃源景 據宣德憲藩本校印

復落娼

據宣德憲藩本校印

仙官慶會

據宣德憲藩本校印

得騶虞

據宣德憲藩本校印

仗義疎財

據宣德憲藩本校印

半夜朝元

據宣德憲藩本校印

辰鉤月

據宣德憲藩本校印

悟真如

據宣德憲藩本校印

牡丹仙

據宣德憲藩本校印

曲江池

據宣德憲藩本校印

繼母大賢

據宣德憲藩本校印

團圓夢

據宣德憲藩本校印

香囊怨

據宣德憲藩本校印

常椿壽

據宣德憲藩本校印

蟠桃會

據宣德憲藩本校印

踏雪尋梅

據宣德憲藩本校印

右雜劇之屬二十四種

梨花別墅五種曲

綠牡丹

據兩衡堂本校印

畫中人

據兩衡堂本校印

療妬羹

據兩衡堂本校印

西園

據兩衡堂本校印

情郵

據梨花齋初刻本校印

右傳奇之屬五種

耆摩他室曲叢
雜劇之屬
誠齋樂府

牡丹品

據宣德憲藩本校印

上海涵芬樓印行

新編天香圃牡丹品全寶

〔辦花旦〕四人各執吹彈歌舞色上云。俺衆姊妹是歌舞的女孩兒。如今三陽開泰。萬物維新。春和景明之時。園苑中牡丹將次開也。內中必要賞花筵席。今將樂藝。各人演習的精熟些。好承應也。〔正末孤辦引俵兒上云〕吾乃是掌管園花教習樂藝的內臣。如今春光明媚。花木鮮妍。宴賞較頻些。如今只得時常澆灌。點視花木。教演樂藝也。荷蒙恩惠。藩府安康。內外寧謐。時和歲稔。天下太平。正當安享清福。以樂雍熙。我這里遙望着珠樓寶殿。出入在玉閣金門。端的也是有福分也呵。〔末唱〕

〔仙呂點絳脣〕寶殿珠扉。鳳墀丹陛。做着箇中官職。洒掃宮闈。能奉侍先承意。

〔混江龍〕也是俺一生近貴。見了些香煙常傍袞龍衣。俺穿一套飛仙海

馬繫一條正透山犀。懸一把鑲鐵打刀兒。鵲鵲木。戴一箇縷金帽頂鴉
忽石。雖不曾入鵲班陪列在府僚中。我常是近龍床祇候向宮庭內。穿了
些輕紗異錦。喫了些美酒堂食。〔末云〕看了這殿宇。蓋造的好整齊呵。〔末唱〕
〔油葫蘆〕十二樓臺錦綉圍。盡都是金間碧。看了那曉雲紅映着綠玻璃。
看鴛鴦瓦上金鋪翠。鸞鳳榻畔椒塗壁。雕梁是碾玉粧。銀屏是螺甸漆。
水精簾捲香風細。人世裏小瑤池。〔末云〕如今正是春天。內中是好景致也。

〔末唱〕

〔天下樂〕麗日簾櫳燕子飛。春暉和氣美。看園林曉來膏雨催。綠茸茸
柳帶烟。紅馥馥花散綺。端的是有丹青難下筆。〔末云〕我向這園苑中演樂
處看咱。〔末唱〕

〔那吒令〕我這里掃龍鱗砌石。遠緋桃往裏展龍紋地席。向醅醺架底。試
龍舟戲水。在垂楊渡西。拂綽了白象床。整頓下青鸞珮。淡氤氳香裏金猊。

〔徠兒云〕兀的是演樂處也。官人近前看一回。〔末唱〕

〔鵲踏枝〕曉霞暉。暖雲垂。羯鼓聲高。仙樂音齊。我這里聽絃管悠悠韻美。這的是樂繁華慶賞樽席。〔徠兒云〕歌舞的美人。端的是好呵。〔末唱〕

〔寄生草〕看十二金釵列。見三千粉黛圍。錦鸚鵡語罷嬌聲細。紫鴛鴦睡足春光媚。綵蝴蝶舞困名香膩。沉檀火冷篆烟斜。流蘇帳暖東風醉。〔末做與花旦相見科〕〔末云〕您演習的樂器如何了。各自試將你那吹彈歌舞的敷演一回。我試看咱。〔簫笛旦吹簫一折了。笛一折了。〕〔末云〕你這簫笛都吹的焦聲了。常言道鼓笛呼簫。您聽我說咱。〔末唱〕

〔金盞兒〕你那里品龍笛。將鳳簫吹。五凡工尺上休訛昧。偷聲減字取的精微。笛呵壽寧白玉管。簫呵縵嶺綵雲飛。笛呵畫船中龍裂石。簫呵金殿上鳳來儀。〔琵琶旦彈琵琶一折了。〕〔末云〕你這彈的指法不清。指撥裏無力氣。試聽我說咱。〔末唱〕

〔金盞兒〕彈的指法兒要新奇。絃索上索參知。恰便似玉盤中亂撒珍珠碎。則要您輕彈慢撚改的絃宜。拋聲高過調。花字緊相隨。休誇曹善才。勝似漢明妃。〔唱的旦唱一折了〕〔末云〕你這唱的。也有失拍了處。又發的務頭不甚好。你聽我說咱。〔末唱〕

〔金盞兒〕唱的仙呂要起音疾。賺煞耍尾聲遲。你將那務頭兒撲得多標致。依腔貼調更識高低。停聲呵能待拍。放指呵會收拾。常則是懷揣着十大曲。袖褪着樂章集。〔舞旦舞一折了〕〔末云〕你這舞的都骨拙。全無些妖嬈巧妙處。十分生疎了。你試聽我說。〔末唱〕

〔金盞兒〕舞的細看你瘦腰圍。施展些巧心機。霓裳一曲飄仙袂。翠盤中旋轉的紫雲回。看了你促金蓮羅襪窄。翻翠袖玉纖垂。準備下纏頭紅錦段。安排着敝地絳綃衣。〔花旦云〕謝的哥哥教導。俺都知道了。每日下工夫演習也。〔末云〕這承應的樂藝。比您花街柳陌。茶房酒肆中不同。您再聽我說咱。

〔末唱〕

〔金盞兒〕囑付你女嬌癡。將樂藝用功習。則這內中承應比排場異。入梨園改換了樂官籍。見了些王孫每能騎高駕馬。士女每會着四時衣。抵多少高樓一席酒。窮漢半年食。〔花旦云〕謝的哥哥說的正是。今後知了也。〔末唱〕

〔賺尾〕您休要失拍了舊歌詞。馬鬣了新雜劇。花串的關兒整齊。拴一箇焰爨休教冷淡只。玳筵前承應合宜。向宮闈春色光輝。準備着象板銀箏間玉笛。正值着繁華月日。似這般太平年歲。任揭天般簫鼓樂雍熙。

〔下〕

〔淨辦來兒上云〕今日好暖和天氣。我是箇小女兒。到這花園中。耍一回。唱箇曲子自聽。〔淨唱〕正月裏陽氣開。士女每整弓鞋。跟着姨姨和妳妳。道踏青要去來。道踏青要去來。二月裏天氣和。士女每賞花多。跟着姐姐共哥哥。好女伴

尋一箇。好女伴尋一箇。三月裏和暖天。士女每打鞦韆。六幅羅裙往上掀。一對金蓮倒插天。〔打住〕〔辦花旦五人上云〕妾乃歌舞者。今日春光和暖。俺演罷樂也。因尋這小妮子。來此園內。閑戲耍一回。〔共住〕〔正末上云〕吾乃掌管花園。教習樂藝。奉侍的內臣。今日節遇清明。花柳明媚。牡丹花將次開也。來到這園苑中。月華亭前。端的好景致也呵。〔末唱〕

〔正宮端正好〕

雙關集曲名
又名百敗錦

我則見粉蝶兒聚芳叢。黃鶯兒遷高柳。慶東原

景物悠悠。我到這萬花臺上閑行走。迅指般絳都春光又。〔末云〕宮闈中

好是快樂也呵。〔末唱〕

〔滾綉毬〕我則見捲珠簾掛玉鈎。控金猊滾綉毬。殿前歡把碧玉簫齊奏。

則聽的攪箏琶慢撥輕搗。他將那風流體舞袖垂。喜人心曲調謳。催花樂

鼓喧晴晝。醉春風花柳盈眸。常則是感皇恩享千年福。大德歌傳萬載

秋。端的是美景堪酬。〔末云〕來到這花園中。猛見幾箇女子。我試向前問咱。〔末

唱

〔倘秀才〕我這里踏莎行到垂楊渡頭。見幾箇凭闌人在桃花洞口。問你箇醉娘子因何向苑內遊。〔花旦云〕俺是歌舞的女孩兒。因尋覓這小妮子。就來此散心閑耍。〔末唱〕他道是穿芳徑將蒙童兒覓。撲蝴蝶把耍孩兒逐。他將那紅綉鞋欸兜。〔花旦云〕俺每日演習着樂器。不知幾時賞牡丹花。〔末云〕卽今清明時節。牡丹花將次開放也。〔末唱〕

〔滾綉毬〕你看那黃薔薇葉漸稠。紅芍藥花未有。小桃紅胭脂恰透。〔末做

聽科〕〔末唱〕猛聽得賣花聲遙隔着紅杏牆頭。〔花旦云〕不知幾時會親友。設筵宴。〔末唱〕你道是迎仙客向柳外樓。賞花時正沽美酒。直盼到牡丹春過了這禁烟時候。聽您那大安樂唱徹梁州。綠窗前金蕉葉暖春雲淡。花枝上玉翼蟬輕曉霧收。仙苑清幽。〔花旦云〕哥哥你管着這花園。必然知道這栽種牡丹的法兒。與俺說些試聽咱。〔末云〕您要聽這栽種牡丹的法兒。

試聽我說一遍。〔末唱〕

〔倘秀才〕則你箇天仙子將栽培問候。休怪俺憨郭郎叨叨絮口。這牡丹他不比石竹子山丹花山石榴。他是箇慶豐年誇麗景。逍遙樂勝追遊。他是箇四季花領袖。〔末云〕這牡丹的嬌豔。自古至今。人多稱賞。〔末唱〕

〔滾綉毬〕這牡丹綵樓春飲興酬。恰便似翠盤秋舞態羞。他到那喜春來玉交枝。把韶光泄漏。〔花旦云〕牡丹幾月裏栽種他。〔末唱〕栽培在梧葉兒中秋。

〔花旦云〕那其間有甚花開。是甚時候。〔末唱〕他相伴着金菊香。共登高上小樓。常記着豆葉黃去年時候。那其間醉高歌滿泛金甌。〔花旦云〕怎生移根。宜甚地土。怎生澆灌他。〔末唱〕移根呵青山口一半兒添黃壤。澆灌呵

新水令三番人引碧流。花盛在中州。〔花旦云〕這牡丹花不宜的。嫌的。是怎生。〔末云〕古人多曾有議論。曾有牡丹榮辱志一篇說的詳細。您再聽我說這

牡丹花。〔末唱〕

〔倘秀才〕他與那古鮑老羞臨皓首。他與那笑和尚參辰卯酉。嫌的是禿
厮兒斜簪在四換頭。〔末云〕正賞牡丹時。不可鬪茶觀碁。又不宜醜女村婦採
折看玩。〔末唱〕他與那採茶歌難共賞。他與那醜奴兒不相投。他與那絡絲
娘難同配偶。〔花旦云〕這牡丹喜的愛的。是甚麼。〔末云〕他喜的筵前合樂。貴人
慶賞。〔末唱〕

〔滾綉毬〕喜的是醉太平。金盞兒酬。愛的是柳青娘將金縷謳。樂的是神曲
纏齊天樂奏。伴着的憶王孫寶馬追遊。〔花旦云〕折將來供獻佛菩薩。這是
牡丹宜不宜。〔末云〕折牡丹供獻佛菩薩。十分大有功德。〔末唱〕想當初好觀
音在南海洲。淨瓶兒裏插枝柳。五供養呵牡丹花也不曾落後。便將着一錠
銀也難覓難求。這牡丹恰便似謁金門貴客丰標美。端正好佳人體態柔。
步步嬌羞。〔末云〕如今牡丹將開。你衆多女子。何不在此將歌舞演習一回。準備
着賞花也。〔花旦云〕俺就在此處歌舞一回。哥哥看有蹶撒了處教俺一教。